

ՀԱՅՐԵՆԱԿԻՑՆԵՐ

Հայությունը ավելի քան վեց ամիս է Մոսկվային փորձում է հասու դարձնել մեր արդար ու ճշմարիտ դատը: Իսկ նա, ի ՊԱՏԱՍԽԱՆ դրանք միայն մեր ժողովրդի դեմ զրպարտչական քարոզարշավ է սկսել ամբողջ աշխարհում, այլև մեր սահմանադրական ու խաղաղ պայքարը փորձում է կասեցնել կոտորածներով, ահաբեկչություններով ու բռնություններով: 1988թ. հունիսի 5-ին, ուղիղ 67 տարի հետո այն օրվանից, երբ Մոսկվան Արցախը մեզանից բռնագրավեց հանձնեց մեր հարևաններին: ՍԽԱՆ ԿԵՆՏԿՈՄԻ Քաղբյուրոն հայ ժողովրդի հանդեպ այս 5 ամսում իրագործեց երկրորդ արյունոտ եղեռնագործությունը: Դա վերջնականապես բացեց նրեմլի իսկական դեմքը: Հայությունը իր ԲԱՂԱՔԱԿԱՆ ՀԱՍՈՒՆ ՊԱՅՔԱՐԻ ՇՆՈՐՀԻՎ ՄՈՍԿՎԱՅԻՆ ՍՏԻՊԵՑ հունիսի 5-ին դուրս գալ ընդհատակից: Այսինքն հայ ժողովրդի դեմ փետրվարին սանձազերծած իր ԳԱՂՏՆԻ պատերազմը ԴԱՐՉՐԵՑ ԲԱՑԱՀԱՅՏ:

Դա մեր ժողովրդի խոշորագույն հաղթանակն էր Մոսկվայի դեմ: Այդ հաղթանակի շնորհիվ ամեն հայ գիտի, որ Մոսկվան ՊԱՏԵՐԱԶՄ է ՍԿՍԵԼ ԱՆՋԵՆ ԺՈՂՈՎՐԴԻ ԴԵՄ ԲՈԼՈՐ ՈՒՂՂՈՒՅՈՒՆՆԵՐՈՎ: Մեր հարևաններին մեր գլխին դարձրեց անգիտակից հակ: Պետական քարոզանին ըզբաղված է այս երկրի ժողովուրդներին մեր դեմ լարելով: Թունարձակ գործարանների և միջուկային շողարձակումից ծնված

տասնյակ անբուժելի հիվանդություններ հնձում են մեր բնակչությանը:  
Խ. Հայաստանում սկսվել է կենսաբանական աղետ: Մինչև ատամները  
զինված զորքերը լցվել են մեր երկիրը և փորձում են ահաբեկել խաղա  
բնակչությանը:

Այս պայմաններում Խ. Հայաստանի ու Արցախի վիճակները նՈՒՅՆԱ-  
նՈՒՄ են:

Հայությունը ԽՍՀՄ-ում, այսինքն՝ Արևելքում, դարձյալ մենմե-  
նակ ու անպաշտպան է, ինչպես Սարդարապատի նախօրեին:

Նժարին է դրված մեր ժողովրդի ու երկրի մակառազիրը:

Ինչ անել:

Ինչ որ արեց արցախահայությունը:

Ի ն Բ ն Ո Ր Ո Շ Վ Ե Լ:

Սա է ելքը:

Քանզի ՀԱՅՈՒԹՅՈՒՆԸ ՍՏՈՒՅԳ ՈՉՆՉԱՑՈՒՄԻՑ ՓՐԿԵԼՈՒ ՈՉ ՄԻ ԵԼՔ  
ՉՈՒՆԻ ԱՆԿԱՆՈՒԹՅՈՒՆԻՑ ԲԱՑԻ:

Ո Չ Մ Ի Ե Լ Ք:

Սա է մեր կիսամյա քաղաքական պայքարի ՊԱՏՄԱԿԱՆ ԴԱՍԸ:

6 հուլիսի 1988  
Երևան

ԱԶԳԱՅԻՆ ԻՆՔՆՈՐՈՇՈՒՄ ՄԻԱՎՈՐՈՒՄ

Պատճենը՝  
ՍՏՐԱՍԲՈՒՐԳ՝ ԵՎՐՈՍՈՐՀՐԴԱՐԱՆԻՆ  
ՄԱԿ-ԻՆ, ԱՄՆ ԿՈՆԳՐԵՍԻՆ, ԱԶԳԵՐԻ  
ԱՏՅԱՆԻՆ

Եվրոպական խորհրդարանի ընդունած 1987թ. հունիսի 18-ի որո-  
շումը դատապարտել է 1915-1917թթ. հայ ժողովրդի ցեղասպանությունը,  
ԽՍՀՄ-ում հայերի իրավունքների անտեսումը: Եվրոխորհրդարանը վեր-  
ջերս զորավիզ կանգնեց նաև արցախահայության դատին, դատապարտեց հա-  
յերի կոտորածները Սուլճալիթում, ԽՍՀՄ կառավարությունից պահանջեց  
դրականորեն լուծել Արցախի հայ ժողովրդի արդար պահանջը:

Այդ իրողությունները մեզ հիմք են տալիս դիմելու Եվրոխորհրդա-  
րանին՝ ակնկալելով գործնական օժանդակություն: Այսօր ավելի քան եր-  
բեք վերջին 68 տարում, ԽՍՀՄ-ում երաշխավորված չէ Խ. Հայաստանի և

ԽՍՀՄ համայն հայություն կյանքի ապահովությունը:

ԽՍՀՄ կառավարությունը, ինչպես իրենց ելույթներում ակամա  
խոստովանում են այդ երկրի դեկավարները, խորհրդային սիյուրքի հա-  
յերին պատանդ է դարձրել՝ հայ ժողովրդին զսպելու և քաղաքական պայ-  
քարից ետ կանգնեցնելու համար:

Մոսկվան Խ. Հայաստանը կենսաբանորեն մահացնելու դիտավորու-  
թյամբ Արարատյան դաշտի կենտրոնում, 40 հրաբխային խառնարանների  
վրա, երկրաշարժաբեր գոտում տեղադրել է միջուկակայանը: Ավելի քան  
100 խիստ թունարձակ գործարաններ Խ. Հայաստանի տարածքի մեծագույն  
մասը դարձրել են կենսաբանորեն անկենդան: Քաղցկեղի և սրտի կաթվածի  
համաճարակները, երեխաների մահացության ու այլանդակ ծնունդների ա-  
հավոր չափերի հասնող քանակը հնձում է հայ ժողովրդին: Մոսկվան  
ՀԱՏՈՒՆ ԴԻՏԱՎՈՐՈՒԹՅԱՄԻ անընդհատ ընդլայնում է եղած թունարձակ գոր-  
ծարանները և կառուցում նորերը: ԽՍՀՄ կառավարությունը հայերին ո-  
չընչացնում է ոչ միայն կենսաբանական եղեռնով, այլև կոտորածների  
միջոցով: Օրինակ՝ Սուլճալիթի ցեղասպանությունը, որի հետևանքով  
այդ քաղաքը փաստորեն դատարկվեց ավելի քան 20 հազար հայ բնակչու-  
թյունից: Սուլճալիթի ողբերգությունից հետո հայ-ազրբեջանական հա-  
կամարտություններ բորբոքելու նպատակով Մոսկվան Երևանի մոտ գտնը-  
վող Մասիս քաղաքում կազմակերպեց 51 հայ կանանց թունավորումը:

ԽՍՀՄ կառավարությունը Երևանի ,,Զվարթնոց,, օդանավակայանում  
հայերի հանդեպ ոմրագործություն կատարեց. խորհրդային զինվորները  
կրեմլի ուղղակի հրամանով հայերին առանձնացրին այլազգիներից և սկը-  
սեցին վայրենի ջարդը, որին զոհ գնաց զինվորների զազանությունները  
նկարել փորձող 22-ամյա մի երիտասարդ, ծանր վիրավորվեցին ավելի  
քան 60 կին, երեխա և երիտասարդ:

1988թ. հուլիսի 18-ին ԽՍՀՄ Գերագույն խորհրդի նախագահության  
նիստ-ներկայացումը մերժեց արցախահայության ինքնորոշման իրավունքը:  
Երբ հայ ժողովուրդը ամբողջ աշխարհին ցույց տվեց, որ Մոսկվայի հըո-  
չակած նոր քաղաքականությունը ոչ մի առնչություն չունի դեմոկրա-  
տիայի հետ, այլ նպատակ ունի էլ ավելի ամրապնդելու բռնապետության  
հիմքերը, Մոսկվան առավել սաստկացրեց ավելի քան 60 տարի շարունակ-  
վող ԽՍՀՄ հայերի հալածանքները: Մամուլով, հեռուստատեսությամբ ու  
ձայնակայաններով ամբողջ ԽՍՀՄ-ով մեկ սկսվեց հակահայկական արշավ,  
որի հետևանքով ԽՍՀՄ տարբեր ծայրերում մոլեռանդ բնակչությունը հար-  
ձակվում է հայերի վրա՝ վտանգելով նրանց կյանքի և գույքի ապահո-

վոլթյունը:

Խ. Հայաստանում ոտնահարվում են մարդու նաև ամենատարրական իրավունքները: Այդ իրավունքների ժխտման օրինակ է հայ ազգային գործիչ, մարդու և ազգերի իրավունքների պաշտպան Պարույր Հայրիկյանի ապօրինի վտարումը իր հայրենիքից՝ առանց դատ ու դատաստանի: Սկսվել է նաև ազգային այլ գործիչների մեկուսացման արշավը:

Այս բոլոր փաստերը ցույց են տալիս, որ ԽՍՀՄ-ը հայերի նկատմամբ իրականացվող պետական ահաբեկչությունը և ցեղասպանությունը դարձրել է իր ներքին քաղաքականության գործնական կետերից մեկը: Այսօր աշխարհի և ոչ մի երկրում հայության կյանքը այնպիսի վտանգի տակ չէ, ինչպես ԽՍՀՄ-ում: Խորհրդային ամբողջ մտաշրջիկ մեքենան զանգվածային հարձակում է սկսել այդ երկրում դեմոկրատիայի ջահակիր հայ ժողովրդի վրա:

Եվրոխորհրդարանին խնդրում ենք հայ ժողովրդի նկատմամբ պետական ահաբեկչության, ցեղախտրություն և ցեղասպանություն իրագործելու մեղադրանքով միջազգային դատ հարուցել ԽՍՀՄ կառավարության դեմ: Ազգային ինքնորոշում միավորումը պատրաստակամություն է հայտնում Եվրոխորհրդարանի հատուկ հանձնաժողովին տրամադրել փաստաթղթեր և նյութեր, որոնք անհրաժեշտ են ԽՍՀՄ կառավարության դեմ դատ հարուցելու համար:

29 հուլիսի 1988թ.

Երևան

ԱԶԳԱՅԻՆ ԻՆՔՆՈՐՈՇՈՒՄ ՄԻԱՎՈՐՄԱՆ

ՆԵՐԿԱՅԱՑՈՒՑԻՉՆԵՐԻ ԽՈՐՀՈՒՐԴ